



STATEN VAN ARUBA

Na Presidente di Parlamento di Aruba
Dhr. mr. E.G.A. Vrolijk
L.G. Smith Blvd. 72
Aruba

STATEN VAN ARUBA
Ingek. 19 OCT 2021
Volgnr.: IS/118/21-22

Oranjestad, 19 di oktober 2021

Apreciado Presidente,

Pa medio di e carta aki suscrito kier a pidi Señor Presidente pa dirigi e siguiente 28 preguntanan na e Prome Ministro Sra. E. Wever-Croes, como tambe e 13 preguntanan na e Ministro di Husticia y Asuntonan Social Sr. R. Tjon y e 15 preguntanan na e Ministro di Salubridad Publico y Turismo Sr. D. Oduber hunto cu e 6 bijlagen.

Suscrito ta desea di haya contesta por escrito riba tur su preguntanan.
Gradiciendo di antemano pa su amabel cooperacion, suscrito ta keda,

Atentamente,

Miguel J. Mansur
Lider di Fraccion ACCION 21



STATEN VAN ARUBA

Preguntanan por escrito di miembro di Parlamento, Sr. Miguel J. Mansur, na Minister President Sra. mr. E Wever-Croes, na Ministro di Husticia y Asuntonan Social Sr. R. Tjon y na Ministro di Salubridad Publico y Turismo Sr. D. Oduber, conforme articulo III.17 di Staatsregeling y conforme artikel 59 di Reglement van Orde van de Staten van Aruba.

Preguntanan:

Minister di Husticia y Asuntonan Social (hindervergunning/incinerator)

1. Minister ta na altura cu actualmente e habitantenan di Parkietenbos ta sufri di extra/mas molester di huma, holor malo y e.o. musca procedente di e sludge habri den aire riba tipping floor di e dump?

Si Minister ta na altura, con Minister ta bay atende cu e asunto aki? Kico ta e plannan riba termino corto pa alivia e situacion aki?

2. Minister ta consciente cu e temporada aki ta un temporada durante cual e biento ta varia y ta supla e huma di e dump Parkietenbos directamente riba e casnan cu ta keda principalmente (direccion) west di e Dump? Kico ta e pasonan cu ta wordo tuma pa preveni e molester aki? Ta teniendo cuenta cu e direccion di biento? Con ta haci esaki? Minister ta consciente di e daño cu esaki ta causando na salud di habitantenan y reduciendo nan calidad di bida?

3. Minister ta altante cuanto dwangsom a ser imponi caba pa cu violacion di e permiso di molester di incinerator di Parkietenbos y cuanto biaha DNM y/of polis a acudi na e sitio pa controla relaciona cu e permiso di molester?

4. E permiso di molester (punto 13) ta rekeri cu ta tuma muestra di e as (shinishi) pa analisa e material toxico y unda ta warda esaki; Minister por duna informacion di esaki? Cuanto muestra a wordo tuma caba te cu awor conforme e permiso? Cua compania ta evalua e toxidad di e material aki y ken ta dicidi unda ta dera esaki?

5. Minister ta consciente cu e "windvaan" y e bandera no ta cumpli cu e rekisitonan stipula den e permiso di molester y cu e permiso continuamente ta ser viola? Pakico ta sigui permiti un operacion cu no ta cumpli cu e rekisitonan di e permiso?

6. Minister por informa cua instancia ta encarga cu e midimento continuo di e emision/ "grensvoorwaarden" (condicion 5 den e permiso) cu ta rekeri conforme e permiso di e aire, y por haya copia of inzage di e rapporten mensual manera ta rekeri di e "parameters" di esaki desde e momento cu a cende e incinerator pa prome biaha?

7. Minister por informa cua instancia ta encarga cu e midimento di e zonido y vibracion (condicion 8 y 9) y si esaki a wordo midi caba?

8. A compronde di e habitantenan den e area di PB cu na varios ocasion ta opera e incinerator sin tene cuenta cu e rekisitonan manera e.o. e biento. Ki accion minister lo tuma si ta sigui cu e violacionnan menciona?

9. Minister ta consciente cu e z"open air burner" di un compania priva (Johnsons) tambe ta operando riba e dump y cu esaki tambe ta causa molester? E "open air burner" tin permiso di molester manera cu a exigi pa e incinerator? Si e contesta ta no, pakico no?

10. Minister ta consciente cu segun ley (Hinderorderening) pa por kima den aire liber na dump ta rekeri un permiso di molester of un landsbesluit houdende algemene maatregel van bestuur (Lbham)? E dump na Parkietenbos ta cumpli cu esaki? Si e contesta ta si, por muestra e "lham" of e permiso di molester y si e contesta ta "no", pakico no ta cumpli cu ley?

11. Minister a hasi evaluacion con e expansion cu Minister Arends a menciona den e conferencia di prensa di 18 di oktober 2021 pa e RWZI lo afecta y aumenta e molester y holor malo pa e bario? Si un evaluacion a wordo hasi, kiko e evaluacion ta ensera, kiko ta e conclusion pa cu molester pa e bario?

12. Minister ta consiente cu segun nos ley di molester articulo 1 lid 2 cu ora di uitbreiding di un inrichting asina, tambe ta rekeri un permiso di molester y cu mester cana e procedura prescribi den e ley? Minister por informa si tin un permiso di molester pa cu esaki caba?

Hinderorderening artikel 1: 1. Het is verboden zonder vergunning van de minister van Justitie en Publieke Werken inrichtingen, die hetzij door de verspreiding van stank, rook of dampen, hetzij door geraas of gedruis, hetzij anderszins, voor de omgeving hinder, schade of gevaar kunnen veroorzaken, op te richten.
2. Een zelfde vergunning wordt vereist om zodanige inrichtingen uit te breiden, van aard te veranderen of te verplaatsen.

13. Minister ta di acuerdo cu e expansion di RWZI ta ocuri na Parkietenbos, mientras cu tur raport ta indica cu mester sera e dump na Parkietenbos? Ta teniendo cuenta cu e habitantenan? A tene na cuenta e consecuencianan cu esaki por tin den caso cu algo bay robes? Tin riesgo (contouren) analyse haci caba? Si e contesta ta no, pakico no?

Pregunta na Minister di Salubridad Publico y Turismo

1. Minister ta na altura cu actualmente e molester di huma toxico y holor malo y muscanan na Parkietenbos ta causando problemanan pa cu e salud di e habitantenan?
2. Cuanto melding of keho tin registra na DVG encuanto e problema di Parkietenbos?
3. Minister ta na altura cu e rapport di PAHO a conseha pa cera e dump inmediatamente? Pakico no a haci esaki? Pakico no ta pidi asisitencia y of fondonan di Union Europeo, RIVM of PAHO mes?
4. Minister por informa cuanto e cantidad di desperdicio medico cu ta wordo kima den e incinerator ta? Minister por informa si e e open air burner di e compania Johnsons Enterprises tambe ta kimando medical waste? Si e contesta ta si, e incinerator no por manage pa kima tur e medical waste?? Pakico hospital no ta usando su propio incinerator?

5. Minister ta consciente cu e “sludge” ta ser hiba na Parkietenbos y esaki ta wordo poni pa seca riba e tereno cual ta atrae e.o. hopi musca cu na su turno por trece hopi enfermedad cu ne? Ki medida minister ta tumando relaciona cu e problema di musca den e bario?
6. Minister, como Minister di turismo ta conciente cu e mesun sludge tambe ta atrae parhanan cu por ta peligroso pa avionnan den sercania y cu esaki ta contra richtlijn di ICAO (international Civil Aviation Organisation)? Minister ta consiente cu esaki por ta algo cu por afecta nos turismo na momento cu no ta cumpli cu e richtlijn nan internacionalnan aki?
7. Minister a hasi evaluacion con e expansion cu Minister Arends a menciona den e conferencia di prensa di 18 di oktober 2021 pa e RWZI lo afecta y aumenta e molester y holor malo pa e bario? Si un evaluacion a wordo hasi, kiko e evaluacion ta ensera, kiko ta e conclusion pa cu molester pa e bario?
8. Apesar di cu e rapport di PAHO di 2018 ya a menciona e peliger y efectonan riba e salud di e habitantenan, dia 23 di januari 2020 minister a menciona na prensa cu “nos tin cu bay check tambe e salud di e habitantenan den henter e area aki, pa asina nos haya un bista kico ta e consecuencia y e efectonan cu tin di dump den e bisindario aki”. Minister a haci esaki caba? Ta posibel pa haya mas informacion? <https://www.noticiacla.com/news/18184>
9. Si no a hasi esaki, pakiko no?
10. Si a hasi esaki, kiko ta e resultadonan, por duna e cifranan?



Gobierno ta bay investiga molester di habitantenan na Parkietenbos

Posta: en 01/23/2020 4:35 pm AST | Update: en 01/23/2020 4:37 pm AST

ORANJESTAD – Gobierno lo inicia un investigacion riba e situacion di Parkietenbos, awor cu un keho oficial a drehta cerca nan. Ta trata di un famia cu ta biba den Parkietenbos den e area cu tin molester di huma pa motibo di e dump eynan. Asina minister di Salud Dangui Oduber a bisa diahuebs den un conferencia di prensa.

INVESTIGA

“Basa riba esaki, no solamente nos ta bay check e keho aki cu a drehta, pero nos tin cu bay check tambe e salud di e habitantenan den henter e area aki, pa asina nos haya un bista kico ta e consecuencia y e efectonan cu tin di dump den e bisindario aki”. Oduber a bisa. Mientras cu e mandatario a bisa cu lo bay investiga, no a especifica e periodo y ni tampoco ken ta bay haci esaki. Ta conoci cu e Fundacion Parkietenbos a organisa un mainta di firma contra e situacion, pa despues entrega esaki na gobierno y otro instancianan. Potret cortesia Fundacion Parkietenbos.

11. Minister por duna dato di e cantidad di gastonan medico (malesa y medicamento) di AZV relaciona cu e personanan cu ta biba den e bario y den sercania di Parkietenbos compara cu otro bario na Aruba? Cuanto caso tin di cancer? Cuanto caso di malesanan cronico y respiratorio a ser diagnostica/registra? Cunato malesanan di cuero? Cuanto malesanan di wowo? Etc.

12. Minister ta na altura cu tin cantidad di mucha cu ta biba den e barío ta birando malo di e huma y ta perde hopi scol? A hasi un onderzoek ariba esaki? Kico Minister ta bay haci pa proteha ("zorgplicht") e muchanan cu ta biba den e barío y ta wordo exponi na huma y otro emisionnan toxico procedente di e dump?
13. Como minister di turismo, minister ta consciente cu mientras mas turista ta bishita nos isla, mas desperdicio lo tin? Kico ta e plannan pa reduci e cantidad aki di desperdicio?
14. E desperdicio di e cruceronan ainda ta ser deponi aki na Aruba?
15. Minister ta di acuerdo cu e expansion di RWZI ta ocuri na Parkietenbos, mientras cu tur raport ta indica cu mester sera e dump na Parkietenbos? Ta teniendo cuenta cu e habitantenan? A tene na cuenta e consecuencianan cu esaki por tin den caso cu algo bay robes? Tin riesgo (contouren) analyse hasi caba? Si e contesta ta no, pakiko no?

Oranjestad, 19 di oktober 2021

Atentamente,



Miguel J. Mansur
Lider di Fraccion ACCION 21